



# AWEMainta

E DIFERENCIA DEN NOTICIA


## GLAS DI REFRESCO CU 5 ONS DI BEBIDA NUNCA POR COSTA 7.50 FLORIN



**3**  
**ABUSADO DI MAMA  
CU YIUNAN A SALI  
DI BON CU CORTE**

**4**  
**AVP A EFECTUA OTRO EXITOSO  
EHEMPEL DI 'COMMON GOOD'**  
A REPARTI SACO PA TENE ARUBA LIMPI RIBA  
HENTER E RUTA DI LIGHTING PARADE!

**7**  
**METEMENTO Y INFLUENCIA  
DI "TOP AMBTENAREN"  
HULANDES NO POR SIGUI**



**Market Leader of Business Software in the Caribbean**

**= exact**

**Solutions for:**

- Finance
- Wholesale Distribution
- Professional Services
- HRM, CRM and BPM

*Supports All Your  
Business Activities & Processes!*

**VCC**  
International NV

Tel. 583-7072 | [info@vcc-int.com](mailto:info@vcc-int.com) | [www.vcc-int.com](http://www.vcc-int.com)

## Glas di refresco cu 5 ons di bebida nunca por costa 7.50 florin

“**R**ip off” tin cu yama esaki, ya cu ni maske bira e cos aki boca’riba of boca’bou, un glas di refresco yega cu mas di 70% cu ijs, lo por costa un cliente e suma di 7 florin cu 50 cen. Sinembargo esaki ta e cruel realidad ora di bishita un of otro restaurant y aki no ta trata di restaurant Chines pero luganan cu ta gosa di bon reputacion den comunidad pero e acto aki, ta kita tur e ‘glamour’ di loke nan ta representa.

E ta un abuso mas ainda cu ora realisa cu un bleki di refresco ta costa entre 2 pa 2.50 di florin, pues uzo di e glas, e ijs cu ta yega e glas por completo, e cliente lo haya chens di dal dos ‘sip’ y ayo su 7,50 caminda automaticamente e cliente kier bebe mas c’un refresco loke ta pone cu e restaurant ta gasta tres florin pa tres refresco pero e ta gana 22, 50 florin na tur.

E ta un abuso di marca mayor y tin mas otro ehempel di e abuso aki cu pueblo ta confrontando tur dia of tur siman, entre otro pa keda na restaurant, tin luganan cu ta popular pa sirbi cuminda crioyo pero nan nivel di prijs no ta duna pa tur hende bay eynan bay come.

Na un restaurant Chino, un porkchop chikito ta costa 14 florin y ta bin cu aros y batata pa 14 florin y na otro luganan cu no ta Chines, un porkchop chikito ta costa 21 pa 23 florin, caminda no tin hustificacion pa esaki.

Mesun situacion tin nan trucknan cu ta bende den oranan di anochi, caminda un pan cu hot dog ta costa entre 18 pa 20 florin mientras cu tin refresqueria cu ta cobra 6 pa 7 florin pa un pan cu hot dog y no solamente hendenan local ta sinti esaki pero tambe turistanan cu ta busca algo di come anochi laat y kier purba algo crioyo.

Un restaurant renombra den e sector di horeca na Palmbeach ta cobra pa un



glas di awa e suma di \$5 y si un hende kier cumpra un boter di awa, esaki ta costa \$8 y por bisa cu e cliente por acepta esaki of nenga di cumpr’e pero e ta mustra seriamente den direccion di un abuso grandi.

Ya caba gobierno tin intencion di introduci ainda mas medida pa turistanan paga, haciendo e isla mas caro pa bishita y e pensamiento aki ta algo cu sin duda no ta contra cu aprobacion di ATA, ya cu na momento cu e departamento aki dicide cu nan kier inverti den e planta di purificacion di awa di riool di Bubali, esaki ta pa evita cu e medida aki lo wordo introduci na un momento cu turismo ta canando asina bon.

Sinembargo e wegá of miho bisa abuso

cu tin cu prijs pa cuminda y bebida, tambe ta formando un peliger serio tanto pa hendenan local como cu turistanan sigur ora cu un restaurant ta cobra entre \$40 pa \$50 pa un simpel’ breakfast,’ esaki tambe ta mustra den direccion di abuso di cartera di e turista of ciudadanonan local.

Tin un tendencia peligroso tumando luga pa algun luna caba y ora cu puntra di con tin e cambionan drastico aki tira productonan, tur ta reacciona mustrando cu esaki ta consecuencia di aumento di BBO na frontera pero den esaki mester ta franco y sincero ya c’un glas yen di ijs cu solamente 6 ons di refresco, no tin absolutamente algo di haci cu e medida aki!

# Abusado di mama cu yiunan a sali di bon cu Corte

**E** sistema hudicial cu Aruba conoce, semper tabata e base p'e pais aki tin un democracia solido y husto, caminda derecho di tur ciudadano tin cu wordo salvaguardia na tur momento.

Principalmente di muchanan inocente, muchanan kendenan apenas a mira luz di bida y ainda ta pasando den nan fase di formacion como ser humano.

Un criatura di 9 luna no tin nocion ainda unda e ta, kico ta su rol den bida y apenas a cuminsa mira cosnan di un bida awor cu el a caba di bin riba e mundo aki y su bida, su proteccion y su siguridad, mester ser salvaguardia y sigura totalmente p'e sistema hudicial.

Igual pa un criatura di apenas un aña y 11 luna, kende tambe ta apenas den su formacion como ser humano, caminda tur cos cu e mira, e sinti, e bisa of e topa, ta cuminsa marca e pasonan cu e tin cu sigui den su bida, cu ta su destino.

Den historia di mundo, di humanidad, e mucha cu a nace ta a arte sagrado cu Señor nos Dios a duna nos y nan cuida y proteccion ta lo mas importante pa su mayornan pero tambe esunnan rond di nan pero tambe p'e sistema hudicial.

Diabierna ultimo, Corte den Prome Instancia mester a dicta sentencia contra di e acusado di 34 aña, Sandjay Maduro, kende na 2023 a dicide di maltrata un señora formalmente den un momento cu el a perde dominio riba su rabia personal y na mes momento el a ser acusa di a maltrata un baby di señora di 9 luna y otro criatura chikito di 1 aña y 11 luna.

Fuera di a maltrata su pareha cu yiunan di e pareha, tambe e acusado S.M. a maltrata un otro señora dor di dal e persona aki un mokete den cara loke a blousa ambos wowo di e victima.

Ministerio Publico durante tratamento di e caso anteriormente a muestra cu e homber a golpia mama di e baby, na momento cu e victima tabatin e pover criatura fragil aki den su brasa y ningun momento e acusado Maduro a tene consideracion cu e situacion delicado aki.

Riba dje el a golpia e señora pero e pone cu e persona aki a tropica y cay cu e baby den su brasa y durante control medico a bin saca afo cu e pone mucha tambe a sufri lesionnan durante di e maltrato di e acusado cobarde aki.

Ministerio Publico durante tratamento di e caso a muestra cu



lo por a papia di intento di asesinato pero diabierna Hues a muestra cu esaki no a wordo comproba y cu e acusacion aki ta cay afo.

## SORPRESA

Prome di a lesa su decision Hues a muestra cu expertonan a conclui cu e homber Sandjay aki, ta capaz di bolbe ripiti e comportacion aki, cu palabranan mas concreto, e lo por bolbe maltrata hende muhe.

Fiscal durante tratamento di e caso a exige un castigo di 24 luna di prizon di cual 6 luna lo ta condicional y cu e acusado lo ricibi 3 aña di prueba y cu e tin cu somete su mes bou guia di Reclassering.


Cu otro palabra e acusado lo tin cu sinta 18 luna den prizon pero si e comporta su mes durante di su detencion den KIA, Sandjay lo sinta solamente 2/3 parti di e castigo cual ta nifica cu e lo permanece den prizon pa solamente 12 luna.

Awor e caso a sosode alrededor di luna di Juli di 2023 loke ta indica cu si e acusado tabata den prizon for di momento cu el a wordo deteni pa maltrato serio, e tin solamente cinco luna mas p'e sinta su castigo.

Mirando seriedad di e caso, sigur caminda criaturanan asina fragil a wordo maltrata sin cu nan tin sikiera nocion di con esaki a tuma luga, tin cu bisa cu Corte a duna e acusado algo estilo di free pass, anto sabiendo cu e tipo aki lo por bolbe ripiti loke el a haci, esta di maltrata hende muhe!

# AVP a efectua otro exitoso ehempel di 'Common Good'

## A reparti saco pa tene Aruba limpi riba henter e ruta di Lighting Parade!



Cu un grupo grandi di boluntarionan lider di partido Mike Eman y su esposa Doina a reparti saconan pa tene Aruba limpi riba e ruta di Lighting Parade. Por a mira caranan nobo den partido AVP y su halanan di conseho tambe hopi activo cu e lider di partido den e accion aki, manera Wendrick Cicilia, Giovanni Christiaans, Clifford Heyliger, Dennerich Kelly y Frits de Palm.

Locual sin duda a resalta ta e acogida grandi cu Mike Eman y su esposa Doina hunto cu e delegacion tabata tin den e pueblo riba e ruta di Lighting Parade. Por a mira con continuamente Mike Eman tabata wordo brasa cu hopi spontanidad y saluda cu hopi calor.

E boluntarionan berde a yega den un bus yen na altura di Banco di Caribe cu vest berde cu e inscripcion "Think Common Good", e tema di bon comun cu e partido berde ta enfocando masha hopi mes. For di eyan a cana cu e lider di partido Mike Eman henter e ruta di Vondelaan y L. G. Smith Boulevard repartiendo saconan pa tene Aruba limpi y na e mes momento saludando e pueblo y ricibiendo brasanan di simpatia y apoyo. Boluntarionan a wordo acompaña cu pickup nan cu musica, refresco y e saconan y asina den un forma hopi planea, organisa y structura a cumpli cu un proposito bunita pa comunidad, den espirito di e BON COMUN.

MENSAHE DI DIA  
5 februari, 2024

### GRATITUD

ta e forza den bida  
pa logra TUR cos.

*e Poder  
den Mi*

# FLOOR MANAGER



## Requirements:

- \* Bachelors Diploma in Business Administration
- \* Industrial and Production Engineer Diploma is a plus
- \* Competitive Salary
- \* Full Time Job
- \* Flexible Hours
- \* Experience is a plus
- \* Training will be provided



Scan for Job  
Responsibilities

Interested candidates please submit your resume to [hr@doit.aw](mailto:hr@doit.aw)

**SUPER**  
**Doit Center**<sup>®</sup>



## Unidad motorisa cu 15 detencion

Unidad Motorisa despues di Lighting Parade a tene control pa cu maneha bao influencia di alcohol. Mas cu 150 auto a wordo controla y total di 15 persona a keda deteni pa maneha auto bou influencia di alcohol. 13 chauffeur a perde nan rijbewijs "ingevorderd".

Cuerpo Policial ta keda conseha si bo ta bebe no stuur. Ban sea mas responsabel.

Unidad motorisa lo keda controla prome, durante y despues cada parada.



## Lighting parade cu 18 detencion

Diasabra anochi pa 7:59 Cuerpo Policial conhuntamente cu SMAC a haci inicio di e Lighting Parade. E anochi aki tabata tin un total di 9 grupo y 4201 participante.



Interne en externe vacature  
(herhaalde oproep)

Wil jij de nieuwe projectleider, specialist of leidinggevende van de Brandweer worden? Kom dan de Dienst Brandweer Aruba versterken. Wij zijn op zoek naar 2 kandidaten (v/m) voor de:

### **Voltijdse opleiding Brandweerofficier** **36 uur per week in Nederland**

De voornaamste taken van de Dienst Brandweer zijn het voorkomen, beperken en bestrijden van brand, brandgevaar en ongevallen bij brand en het beperken en bestrijden van gevaar voor mensen en dieren bij ongevallen die niet gerelateerd zijn aan brand.

In de voltijdse opleiding die in september 2024 van start gaat en anderhalf jaar duurt, word je opgeleid tot brandweerofficier. Je wordt breed opgeleid en leert in korte tijd verschillende facetten van de brandweermanorganisatie kennen. Daarbij is gekozen voor een integrale onderwijsaanpak. Dat wil zeggen dat nadrukkelijk verbanden worden gelegd tussen de verschillende disciplines waarvoor je wordt opgeleid en er aandacht is voor leiderschapsrollen, persoonlijke ontwikkeling en professionele ontwikkeling.

#### **Functievereisten en competenties: Je bent**

- in het bezit van een hbo- of wo-diploma
- ten hoogste 35 jaar
- fysiek fit, je beschikt over zwemvaardigheid en hebt geen hoogte- of engtevrees
- in het bezit van rijbewijs B
- stressbestendig
- leergierig
- goed in het analyseren van problemen
- goed in het ontwikkelen van een visie
- omgevingsbewust.

#### **Wat bieden wij jou?**

- Gedurende de opleidingsperiode ontvang je onder andere een vergoeding voor studiekosten, reiskosten voor zowel heen- en terugreis, en een vergoeding voor huisvesting. Bovendien wordt de verscheping van je inboedel van 5 m<sup>2</sup> vergoed.
- Afhankelijk van je opleiding en werkervaring bieden wij een salaris tot maximaal Afl. 4.963, = (B05) zonder periodiek.

#### **Schriftelijke reacties:**

Wil je de opleiding tot brandweerofficier volgen en voldoe je aan de eisen? Stuur dan uiterlijk **vrijdag 16 februari 2024** digitaal je motivatiebrief en curriculum vitae gericht aan de heer German Geerman. Deze kun je sturen naar het e-mailadres [vacatures@drh.gov.aw](mailto:vacatures@drh.gov.aw). Mocht je vragen hebben, dan kun je ons bereiken op telefoonnummer: +297- 522-9999.

#### **Opmerking:**

1. Zonder hbo-diploma (of hoger) of als je ouder bent dan 35 jaar, kunnen we je sollicitatie helaas niet in behandeling nemen.
2. indien je als geschikte kandidaat geselecteerd wordt, dien je met goed gevolg een fysieke keuring en een LTP-assessment af te leggen. Ook moet je beschikken over de Nederlandse nationaliteit en een positieve justitiële verklaring.



Cuerpo Policial a conta cu 201 personal. Entre otro Polis Uniforma, ME, AE, departamento di recherche, Motor Unit, K-9, departamento di trafico. Mobile Commando, departamento di planologie, personal administrativo y como tambe personal di CEA.

Pa 12:57 e cabes a yega ex-DOW y pa 03:15 di diadomingo madruga e parada a yega final.

E aña aki nos a conta cu 18 detencion. Detencion pa posesion di droga, arma blanco, bringamento, no sigui ordo di polis, buracheria.

Aña 2023 tabata tin 12 detencion.

# Metemento y influencia di “top ambtenaren” Hulandes no por sigui

Tur cos ta muestra cu den henter e asunto di “Landspakket” como tambe den otro asuntonan cu ta regarda supervision Hulandes, cu metemento di asina yama “topambtenaren” ta birando algo hopi serio y peligroso.

Ta for di 2023 y kisas ya for di 2022, por mira cantidad di funcionarionan halto di gobierno di Hulanda, aki na Aruba reuniendo cu diferente oficial halto di departamentonan di gobierno y tur esaki lo tin di haber cu ehecucion di e Landspakket.

Aña nobo aki apenas tin un luna cu ya caba por a constata presencia di varios oficial halto di gobierno Hulandes riba e isla, loke no ta un bon señal ya cu esaki ta un indicacion cu si e desaroyo aki continua, tur decision cu gobierno di Aruba tin cu tuma, tin cu wordo analisa y aproba pa gobierno Hulandes cu ta ricibi informacion di e grupo di trahadonan aki. E oficialnan aki por ser mira na diferente sitio den principalmente Oranjestad, of miho bisa den cercania di Cocolishi y tur cos ta muestra cu e reunionnan aki ta tumando luga sin cu Parlamento ta na altura di nan of ta sikiera wordo informa dor di e departamentonan.

Loke ta hala atencion cu presencia di e funcionarionan Hulandes aki, ta e hecho cu nan ta bin Aruba riba ‘opdracht’ di un gobierno cu na e momentonan aki ta demisionario y e ora tin controla si e grupo aki ta trahando pa e gobierno demisionario aki y si nan por tuma cierto decisionnan.

Aparentemente e oficialnan publico aki ta sigui pusha formalmente pa implementacion y ehecucion di e Landspakket y nan presencia aki na Aruba tin aprobacion di gabinete Wever Croes.

Henter e proceso aki mester conoce un cambio, sigur mirando e hecho pa tanto 2023 y mas ainda pa aña 2024, pais Aruba tin un surplus cu no solamente a cumpli cu expectativanan di tanto CFT como gobierno Hulandes pero pa presupuesto di 2024, e expectativanan a ser supera en grandi superando tur expectativa cu gobierno Hulandes tabata exigiendo y tambe e comision di supervision financiero, CFT.

Mientras tanto tin negociacionnan ta continuando relaciona cu formacion di un coalicion nobo cu lo por keda cla e siman aki pero e expectativa ta cu e lo keda cla pa luna di Maart prome cu e gobierno nobo lo cuminsa funciona realmente.

Gobierno di Aruba a paga su prome pago di loke ta e ‘coronalening’ pues cumpliendo un biaha mas mientras cu tanto CAft Secretario di Estado demisionario, Alexandra van Huffelen, ta sigui kere cu nan por presiona gobierno pa aproba e ley pa introduccion di RAft mientras cu e panorama financiero di gobierno na e momentonan aki, no ta duna e necesidad y tampoco e facilidad pa bay over na implementa e ley aki.

Sin embargo den proximo dianan por mira atrobe varios oficial di gobierno, esta ambtenaren ta sigui reunion cu diferente oficialnan di departamentonan di gobierno di Aruba caminda ta lanta e pregunta si e proceso aki tin cu continua na e momentonan aki si of no!



**TARA LOUNGE**  
by Elements  
RESTAURANT

**SUNDAY BRUNCH**  
\$55 PER PERSON | CHAMPAGNE INCLUDED  
11:30 AM - 3 PM | ADULTS ONLY | CASHLESS  
AC INDOOR & OUTDOOR SEATING  
RESERVATIONS REQUIRED  
elementsaruba.com | +297 583-1100 ext 3



**Mirrors Beauty Academy ta ofrece e siguiente servicinan**

Laba  
Corta  
Blowdry  
Keratina  
Cold Wax

Tinja  
Highlights / Mechas  
Ombre / Californiana  
Bayalage  
Peinado

Makeup  
Threading  
Barberia  
Manicure  
Pedicure

Y  
mucho  
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

# 14 chauffeur deteni despues Jouvert Morning



**Bin bishita nos y probecha!**  
Paña di bon calidad na bon prijs.



Adres: Avenida Milio J. Croes 47 local 3  
Telefon: 5646733 - 5653466  
E-mail: info@carlymar.com

**D**urante y despues di Jouvert Morning unidad motorisa a tene nan control di trafico na diferente puntonan strategico rond nos isla.

A controla mas cu 200 vehiculo di motor y a detene 14 chauffeur pa maneha bao di influencia di alcohol. Durante e control aki 12 chauffeur a perde nan rijbewijs "ingevorderd" y nan lo mester presenta dilanti hues pa trata nan caso. 2 di nan no tabata tin rijbewijs mes.



Aña 2023 tabata tin 24 detencion.

Cuerpo Policial Aruba ta keda recorda un biaha mas, si bo ta bebe of ta bou influencia NO stuur. Busca bo amigo responsabel pa stuur pa bo.

Controlnan di unidad motorisa lo continua durante y despues di cada evento di carnaval.



# 21 detencion na jouvert morning



**D**iasabra pa 3'or mainta SMAC conhuntamente cu KPA a haci inicio Jouvert Morning 2024.

KPA a conta cu 138 personal riba pia. Diferente departamento di Cuerpo Policial a traha hunto entre otro Mobiele Eenheid, Flex Team, Polis Uniforma, Departamento di Recherche, Personal administrativo, departamento di trafico y planologie, AE, K9 Unit, Mobiel Commando y como tambe personal di CEA.

Pa 7:44 mainta e cabes di e parada a yega Joe Laveist y pa 8:14 parada a yega su final. E aña aki tabata tin 21 detencion di cual 6 a bay pa departamento di recherche. E detencionnan tabata basa riba droga, arma blanco, bringamento, buracheria y no sigui ordo di polis.

Aña 2023 tabata tin 19 detencion.

*Ban Peru*  
cu Aruba Airport

LATAM AIRLINES

Cuminsando na  
**US \$185**  
pa roundtrip

AUA  
AEROPUERTO INTERNACIONAL BEINA BEATRIX

Sigurando Informacion Corecto den Medio di Speculacion

## AFBA ta clarifica malentendido di salario durante conferencia di prensa

**A**ruba Food & Beverage Association (AFBA) por a tuma nota di informacion incorrecto circulando relata na un entrevista cu a tuma luga despues di nos ultimo conferencia di prensa ariba 30 di januari 2024 na unda nos enfoke tawata ariba e “labor shortage issue”.

**Pa clarifica:** locual a menciona t’e caso di locual 1 miembro mester a haci pa por a sigura su mes un dishwasher. Esaki sigur a wordo saca for di contexto.

AFBA ta subraya su compromiso pa apoya pa salario husto den tur sector di cuminda y bebida y ta ahusta su mes cu e norma nan estableci den e mercado.

Pa tur pregunta, duda, of comentario relata na e asunto aki, por fabor tuma contacto cu AFBA na [info@arubafoodandbeverage.org](mailto:info@arubafoodandbeverage.org).



# SIGN UP NOW

VIA STIMAMI STERILISAMI'S WEBSITE &  
SAVE UP TO 45% OFF YOUR PET'S  
STERILIZATION COSTS PLUS GET A FREE  
MICROCHIP!

**45%  
OFF**



**FREE  
MICROCHIP**

# Movencion di misilnan na Venezuela a causa inkietud



Un movencion di raketnan di larga distancia den cayanan di e poblacion di Güiria n'e estado Sucre, a lanta hopi inkietud cu gobierno di Nicolas Maduro ta preparando pa un confrontacion militar.

Den oranan di anochi y marduga a move diferente di e makinanaria pisa cargando misilnan di larga distancia rumbo p'e poblacion di Güiria, cu ta un poblacion na costa cu ta keda cerca di Trinidad & Tobago.

Sin duda cu e movencion straño y sorpresivo aki a hala atencion di hopi hende, di hopi pais pero ningun momento e ta muestra cu e lo ta un menasa p'e islanan di Caribe Hulandes y tampoco pa Guyana cu ta den disputa cu Venezuela pa loke ta un teritorio cu ta rico na petroleo.

E misilnan a ser transporta tanto via tera como via lama y e unico informacion oficial cu a ser duna relaciona cu e movencion aki, a bin for di Comandante Estrategico Operacional de La Fuerza Armada Nacional Bolivariana, esta Domingo Hernandez Larez, kende riba rednan social a pone algun foto y grabacion di yegada di e ekiponan di guerra aki y solamente a bisa: "Nos ta soberano, liber y independiente."

Kico esey ta nifica of nan kende e mensahe aki a ser dirigi no a conoci ya cu e unico confrontacion cu Venezuela tin

n'e momentonan aki, ta cu nan bisiña Guyana y tambe un confrontacion comercial cu gobierno Mericano.

E informacionnan aki a causa un tiki inkietud tambe aki na Aruba pero esaki no mester ta un asunto di preocupacion ya cu no tin necesidad pa esaki n'e momentonan aki.

Loke por a ricibi na informacion for di otro medianan internacional t'e hecho cu gobierno di Presidente Nicolas Maduro tin problema pa atende cu situacionnan di desgaste di diferente refinaria y makinaria pa procesamento di petroleo, pues no tin suficiente miedo pa atende cu esakinan y hopi ta kere cu pa loke ta ekipahe militar tambe mester tin un situacion un tiki delicado cu e aparatonan aki.

Cualquier movencion militar di Presidente Nicolas Maduro pa cualquier pais, lo habri porta pa intervencion di entre otro Merca contra di su regimen y ta algo cu e Presidente Venezolano n'e momentonan aki no ta mira factibel.

E poblacion di Güiria ta un centro di pesca completamente y e sector ey ta keda mas cerca di Trinidad cu cualquier otro pais y ta for di e sitio aki algun tempo atras, 28 persona Venezolano a perde riba lama, den un intento pa yega costa di Trinidad.

## Posibel candidatura presidencial di Michelle Obama ta lanta speculation riba e problemanan di salud di Joe Biden

Den informe mas reciente a specula e posibilidad cu Michelle Obama, ex-prome dama y casa di Barack Obama, presenta den e careda p'e presidencia na luga di Joe Biden. E presentado di Sky News, Shami Markson, a ofrece e ultimo detayenan riba e posibel candidatura, indicando cu ta existi indicacion cu Biden no ta aspira pa un di dos mandato debi na problema di salud.

Segun Markson, Michelle Obama tin desde 2022 ta reuni cu e directornan ehecutivo di fondo di cobertura en busca di nan apoyo pa un posibel candidatura presidencial. E columnista di New York Post Cindy Adams, a revela e supuesto movementonan secreto aki, afirmando cu e plan ta implica cu Joe Biden anuncia su decision di no presenta na mei, indicando motibo di salud.

Den e ultimo temponan aki varios indicacion a aparece sutilmente di e aspiracionnan politico di Michelle Obama y Markson a yama e atencion riba un podcast cu e ex-prome

dama ta papia di posibel proyecto futuro.

“Si Michelle Obama presenta, sin duda e lo duna un contienda electoral mas interesante na Merca y sin duda lo e duna Donald Tromp competencia,” Markson a declara.

Como reaccion n'e rumornan, hefe adhunto di e oficina di DC di The Boston Globe, Tal Kopan, a refuta e idea cu Michelle Obama substitui Joe Biden di “teoria conspirativo di Twitter” cu “no ta real.” Kopan a enfatisa den e inverosimilitud di tal escenario afirmando: “Ni sikiera mi sa si Hollywood lo kere esey, francamente.”

A pesar di e rumornan cu ta circula, Kopan a afirma cu Joe Biden ta sigui ta e supuesto candidato democrata, sigurando cu e posibel candidatura presidencial di Michella Obama no ta un escenario probabel. E actual debate rond di e rumornan aki ta añadi un intrigante capa n'e panorama versatil di e eleccionnan presidencial di 2024.



**PASEO HERENCIA**

*THE BEST ENTERTAINMENT  
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

# 'Green Angels' ta celebra 10 aña di existencia

E destacamento di Marina na Sint Maarten cu hopi orguyo ta celebra su 10 aña di existencia, un logro cu ta enfatisa e crecemento y dedicacion di e unidad, desde su establecimiento na 2014. E destacamento di Marina ta un unidad cu ta cay bou di Comandante di Forsanan Naval den Region Caribe Hulandes. Despues di independencia di Sint Maarten for di 10-10-10, e Gobernador di e tempo ey Holiday y Minister di Defensa Hans Hillen a pidi un presencia militar permanente pa garantiza pas y seguridad riba Islanan Ariba, Saba, St. Eustatius y Sint Maarten.

Loke a cuminsa como un unidad cu ta cambia cada 4 luna, a crece despues bira algo di ubicacion permanente pa 3 te 5 aña, pa medio di cua un presencia stabil y duradero riba e isla ta segura. E 10 aña di existencia di e destacamento di Marina na Sint Maarten ta marca no solamente un periodo di despliegue operativo, pero tambe di colaboracion y asociacion cu socionan di seguridad local hunto cu e comunidad.

E mariniernan a desplega nan mes pa diferente mision humanitario tal manera asistencia di emergencia despues di huracan Irma y durante COVID-19. Cu esaki e destacamento ta entrega un contribucion valioso pa bienestar di e habitantenan di Sint Maarten.

E añanan binidero lo bay traha duro na un base completamente nobo cu mester ta cla na 2026. Esaki ta bira e acomodacion di tanto e Mariniernan como Mareshosé cu tambe ta labora riba e isla.

Comandante di e destacamento di Marinier, Arie Noordam, hunto cu un Corporal ta mira atras riba e periodo cu a pasa y e trabou na Sint Maarten.

Les e entrevista completo via e link:

[https://magazines.defensie.nl/defensiekrant/2024/04/01\\_mariniers-sint-maarten\\_04](https://magazines.defensie.nl/defensiekrant/2024/04/01_mariniers-sint-maarten_04)



**VAMOS A  
COLOMBIA  
BOGOTA  
CALI  
MEDELLIN**



ARUBA/  
**COLOMBIA**  
COMENZANDO DESDE, PARA UN DESTINO

**\$100** USD

**AUA**  
AEROPUERTO INTERNACIONAL REINA BEATRIX

**wingo.com**

¿Cómo quieres volar?

## Carl Weathers, protagonista stima di “Rocky” a fayece cu 76 aña

Den un buelta scur di acontecimiento, mundo di espectáculo ta despedi di e legendario actor Carl Weathers, famoso pa su interpretacion di Apollo Creed den e iconico serie di pelicula Rocky. E actor di 76 aña, a fayece pacificamente den su soño na su cas di Los Angeles dia prome di februari 2024.

Aunke Weathers tabatin un ilustre carera durante varios decada, tabata su papel di boxeador arrogante y extravagante Apollo Creed, cu a graba su nomber den historia di cine. E enfrentamento di 1976 cu Rocky Balboa di Sylvester Stallone a sinta e basenan di un rivalidad cu a converti den e curason cu ta bati di e frankicia. E animosidad inicial di e personahenan a evolucionar na un respet y amistad profundo, loke ta haci cu e morto tragico di Creed den Rocky IV ta ainda mas emocional.

Mas leu di su legado den Rocky, Weathers a demostra su versatilidad den diferente papel. El a enfrenta Arnold Schwarzenegger den e clasico di accion “Predator” (1987), a demostra su briyantes comico den “Happy Gilmore” (1996) y hasta a drenta den e universo di Star Wars cu un papel recurrente den “The Mandalorian.” Fuera di esey, Weathers a dirigi varios episodio di television y a presta su stem na varios personahe anima.

Stallone, Schwarzenegger y hopi otro a expresa nan dolor y admiracion p’e talento, e carisma y bondad di Weathers. E causa di morto ta sigui sin revela y e famia di Weathers a emiti un comunicado caminda nan a describie como “un ser humano excepcional cu a biba un bida extraordinario.”

Mientras mundo ta yora e perdida di Carl Weathers, su legado ta dura den curason di e fanaticonan y e archiefnan di historia di cine. E homenahenan cu ta yega a traves di Internet ta refleha e impacto profundo cu e tabatin den e industria y den bida di esunnan cu el a toca a lo largo di su carera extraordinario.



# Forsa Ucrainiano ta clama victoria ora el a sink bapor di guerra Ruso den Lama Preto na Krim



**D**en un operacion audaz nocturno, e agencia di inteligencia militar di Ucrania (GUR) a anuncia cu a logra sink un bapor di guerra Ruso di Lama Preto cerca di e lago Donuzlav, den e region ocupa di Krim. E bapor obhetivo, identifica como un lancha di misil Ivanovets, tabata patruya den Lama Preto ora cu el a sufri daño substancial pa multiple impacto directo n'e dek, loke a provoca cu el a lora bay n'e parti patras y finalmente sink, segun GUR a

informa.

E informacion preliminar di ehercito Ucrainiano a indica cu e operacion aparentemente a dal un golpi duro p'e armada Ruso, ya cu a calcula cu e bapor di guerra cu a sink a costa entre 60 y 70 milyon dollar (entre 47 y 55 milyon pound sterling). GUR no a facilita e detayenan riba e metodonan uza den e operacion ni riba e cantidad di operativo involvi, pero a haci referencia n'e precision cu a conduci n'e exito di e mision.

A pesar di e gravedad di e atake, e operacion Ruso di buskeda y rescate den e lago Donuzlav parece no tabata un exito, segun e fuentenan di GUR. E sinkmento aki ta un muestra notabel di e escalacion di e tensionnan antiguo

entre Ucrania y Rusia, specialmente den contexto di e anexo di Krim pa Rusia na 2014. E incidente probablemente lo pone tension ainda mas riba e relacionnan diplomatico y lo por tin implicacion mas amplio p'e situacion ya volatil den e region.

E observadornan internacional ta sigui e evolucion di e acontecimentonan di cerca, en espera di e declaracionnan oficial, tanto di Ucrania como di Rusia. E sinkmento di un bapor di guerra Ruso ta añadi un capa nobo di complejidad n'e panorama geopolitico, lantando inquietud riba posibel represalia y e estabilidad general di e region di Lama Preto. Mientras cu e situacion ta desaroya, mundo ta pendiente di con e partinan involvi lo responde n'e ultimo episodio aki di e conflicto.

## Despues di nan operacionnan na Irak y Siria Merca y Reino Uni ta lansa atake conhunto contra obhetivo Houthi na Yemen

**D**en un esfuerzo coordina, Merca y Reino Uni, apoya pa un coalicion di nacion cu ta inclui Australia, Bahrain, Canada, Dinamarca, Hulanda y New Zealand, a tuma luga atake arma contra obhetivo Houthi na Yemen.

E atakenan ehecuta desde plataforma aereo y di superficie, tabatin como obhetivo por lo menos 30 ubicacion, entre nan centro di mando y control y un deposito subteraneo di arma. E accion a tuma luga pa contraresta e menasanan di e Houthinan riba e rutanen maritimo internacional den Lama Cora.

E operacion a inclui e lansamento di misil Tomahawk pa dos destructor Mericano, USS Gravelly y USS Carney, hunto cu e jetnan F/A-18 di e portavion USS Dwight D. Eisenhower. Esaki ta tuma luga net un dia despues cu Merca a efectua atake unilateral na Irak y Siria como reaccion na un atake cu

drone cu a cobra bida di tres miembro di e servicio Mericano. E gobierno di Biden a adopta un enfoque di "varios nivel" pa evita e conflicto directo cu Iran y na su luga a ataca e apoderadonan poderoso respalda pa Iran. E secretario di Defensa di Merca, Lloyd Austin, a subraya cu e atakenan na Yemen tabatin como obhetivo interumpi y degrada e capacidadnan di e milicia Houthi, advertiendo cu ta spera nan mas consecuencia si nan sigui cu e atakenan ilegal riba nabegacion internacional.

Aunke e atakenan na Yemen y esunnan di Irak y Siria tin motivacion diferente, ambos operacion ta dirigi contra grupo respalda pa Iran na Medio Oriente. Presidente Joe Biden a aproba e atakenan na Yemen, subrayando e compromiso di Merca di responde n'e accionnan di e Houthinan. E atakenan na Yemen ta constitui e di tres operacion conhunto di Merca y Reino Uni contra e obhetivonan di e Houthinan den e ultimo simannan.

A pesar di e presion internacional, e dirigentenan Houthi a mantene nan mes desafiante y un di su principal miembronan a declara cu e bombardeonan di e coalicion no ta altera nan postura. E situacion ta pone enfasis riba e dinamica compleho di e region, caminda cu Merca y su Aliadonan ta uza accion militar pa salvaguardia e rutanen di nabegacion vital y proteha nan interesnan contra e menasanan continuo.

# Lighting Parade Oranjestad 2024









# Lighting Parade Oranjestad 2024



# PARADA DI MUCHA ORANJESTAD



# PARADA DI MUCHA ORANJESTAD



# Kimamentu di momito



# Kimamento di momito



Libera e poder di microentrenamento

# Un guia rapido pa pone bo den forma

**M**icroentrenamento ta causando furor den e mundo di fitness, y cu rason! E dosisnan chikito aki di ehercicio, cu ta dura entre 10 y 20 minuut, ta ofrece un solucion dinamico den e lucha eterno pa haya tempo pa pone bo den forma. Yena di intensidad, eficacia y comodidad, microentrenamento ta cambiando nos forma di mantene nos activo.

## Kico ta microentrenamento?


Imagina si bo por haci un entrenamiento intenso den e tempo cu bo ta tarda pa prepara un koffie. Esaki t'e esencia di e microentrenamentonan: sesion cortico y intenso cu ehercicio di peso corporal manera sit-ups, flex y planks. Añadi algun jumping jacks, bur-pees of incorpora peso liviano pa un reto agrega.

## Bentaha di microentrenamento

Microentrenamento ta ideal p'e agenda ocupa y por realisa na cualkier luga sin necesidad di ekipo special. Hasta e sesionnan cortico di ehercicio por mehora e salud en general y e metabolismo, mehora e estado di animo y energia y reduci stress. Microentrenamento ta accesibel y por adapta na bo nivel di forma fisico y na bo obhetivonan.

## Con pa incorpora microentrenamento

**Compromiso programa:** Purba microentrenamento como cita importante pa garantiza constancia.



**Eficiencia di tempo:** Probecha momento di descanso, manera pauze publicitario of pauze pa come, pa realisa un sesion breve.

**Grupo muscular obhetivo:** Concentra riba e parti ariba, abao y central di e curpa den microcircuito separa.

**Uza tecnologia:** Probecha e aplicacionnan y e recursonan online pa crea microrutina di entrenamiento.

**Cuminsa pocopoco, crece gradualmente:** Cuminsa cu sesion di menor duracion y intensidad y despues bay progresa mientras cu bo ta mehora bo forma fisico.

**Scucha bo curpa:** Duna prioridad n'e dlanan di descanso y evita forsa te na un punto di haci bo mes daño.

Cora cu microentrenamento ta un complemento valioso di bo rutina di ehercicio, no un substituto. E ta ofrece e personanan ocupa un forma accesibel y eficaz di mantene nan mes activo y disfruta di e beneficcionan di ehercicio regular. Si bo ta buscando rutina di microentrenamento personalisa, comparti bo nivel di forma fisico y bo interesnan.

## Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lonico

Masaje Reductor

Masajes reductores contiene:

- Aparatologia Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

Tendencia y consideracion

# Renacimiento di D.I.N.K. entre millennials



Den e ultimo añanan, e fenomeno D.I.N.K. (Dual Income, no Kids) a experencia un renacimiento notabel entre e millennials mas hoben, retando e normanan tradicional y creando debate riba e opcionnan di estilo di bida. E tendencia aki, frecuente entre e miembronan di Generacion Y (naci entre 1981 y 1996) ta debi na un combinacion di factor economico, social y ambiental.

E consideracionnan economico ta encabesa e lista di rason pa cual hopi hoben di e generacion di milenio ta scoge e estilo di bida D.I.N.K. E debenan halto di e prestamonan estudiantil, e costo halto di vivienda y e trancamento di salario a converti e criansa di yiu den un reto economico. Opta pa D.I.N.K. ta permiti e parehanan canalisa nan recurso na un promocion profesional, pago di debe y creacion di rikesa, proporcionando estabilidad financiero.

E prioridadnan di estilo di bida tambe ta hunga un papel fundamental den e aumento di D.I.N.K. entre e hobennan di e generacion di milenio. E generacion aki sa duna prioridad na biahe, experiencia, crecimiento personal y realizacion profesional. Flexibilidad y economia disponibel cu ta ofrece e estilo di bida D.I.N.K. ta permiti e millennials sigui e interesnan aki sin e limitacion di paternidad.

E evolucion di e panorama social, marca p'e cambionan den e nocionnan di famia y carera profesional, ta contribui n'e creciente aceptacion di e estilo di bida D.I.N.K. Algun millennials ta duna prioridad n'e realizacion personal riba e expectativanan social di paternidad, retando e normanan tradicional.

E preocupacion p'e medio ambiente tambe a converti den un factor importante den e decision di adopta e estilo di bida D.I.N.K. E parehanan ta expresa nan preocupacion p'e sobrepoblacion y e gastamento di recurso y ta opta pa no tin yiu pa reduci su impacto ambiental.

E tendencia aki ta tuma luga na variacion y adaptacion, manera DINKY (Dual Income, No Kids Yet), GINK (Green Inclination, No Kids) y DINKWAD (Dual Income, No Kids, With a Dog). E variacionnan aki ta refleha e diferente rason y consideracion cu tin tras di e decision di biba un bida sin yiu.

Aunke e parehanan D.I.N.K. ta contribui significativamente n'e economia door di impulsa gasto den e sectornan manera biahe, restaurant y descanso, e tendencia tambe ta trece consideracionnan social y di bienestar individual. E implicacionnan p'e structuranan social, e dinamica familiar y e crecimiento demografico ta pone enfasis riba e naturalesa polifacetico di e fenomeno D.I.N.K.

Mientras cu e individuonan ta nabega door di e panorama compleho di e estilo di bida D.I.N.K., ta crucial reconece cu no ta trata di un eleccion unico. E balornan personal, e obhetivonan y e circunstancianan ta hunga un papel importante den e tuma-tamento di decision y ta esencial compronde tanto e posibel beneficiacion como e inconvenientenan prome cu adopta e manera di bida unico aki.

APPAREL

BOAT ACCESSORIES

TOD-MAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

## Fortaleza pa Famia

# No sea conformista

**UN** persona conformista, ta un persona cu sa den su curason cu algo no ta bon, pero pa complace cu mundo, e ta bay di acuerdo, e ta cana den dje, aprobando locual mundo ta ofrece, y rechasando locual ta Dios su boluntad.

Hendenan cu tin curashi di yama locual no ta sano, sano djis pa e relacion cu e mundo keda intacto pa nan banda, hendenan cu ta busca favor di hende mas cu Dios, (Galationan 1:10).

Hendenan cu ta biba den un bida exactamente manera Isaias 5:20 ta prohibi pa di biba.

Nos no por biba segun e patronchi di e mundo aki, pasobra e patronchi di e mundo aki ta yena cu corrupcion, inmoralidad y malicia.

P'esey den Romanonan 12:2 e palabra di Dios ta bisa, pa no sea conforme e mundo aki ma pa renoba nos mente pa nos por sa kico ta e bon, y agradabel, y perfecto boluntad di Dios.

### **No ta pornada Hesus a haci oracion pa tur esnan cu ta kere den dj'E bisando:**

Mi no ta pidi Bo pa esakinan so, ma tambe pa esnan cu ta kere den Mi pa medio di nan palabra, pa nan tur por ta un, mescos cu Abo, O Tata, ta den Mi, y Ami den Bo, pa nan tambe por ta den Nos, pa mundo kere cu Abo a manda Mi. Y e gloria cu Bo a duna Mi, Mi a duna nan, pa nan ta un. Mescos cu Nos ta un,. Ami den nan, y Abo den Mi, pa nan por ta perfecto den unidad, pa mundo por saca ta Abo a manda Mi y cu bo a stima nan mescos cu bo a stima Mi (Juan 17:20-23).

Mi a duna nan Bo palabra, y mundo a odia nan, pasobra nan no ta di e mundo, mescos cu Ami no ta di e mundo. Mi no ta pidi Bo, pa saca nan for di mundo, ma pa bo warda nan di e malvado. Nan no ta di mundo mescos cu Ami no ta di mundo. Santifica nan den bo berdad, Bo palabra ta berdad (Juan 17:14-17).

Esaki mi ta bisa anto, y ta afirma hunto cu Señor, pa boso no cana mas mescos cu e paganonan, tambe ta cana, den e vanidad di nan mente. Siendo tapa cu scuridad den nan comprendemento, exclui di e bida di Dios, pa motibo di e duresa di nan curason y nan perdiendo tur gevoel, a entrega nan mes na sensualidad, cu golosidad, nan ta practica tur sorto di impuresa (Efesionan 4:17-19).



Si boso a wordo lanta cu Cristo, pone boso bista anto riba e cosnan di ariba, caminda Cristo ta sinta na man drechi di Dios. Pone boso mente riba e cosnan di ariba, no riba e cosnan cu ta riba tera. Pasobra boso a muri y boso bida ta scondi den Cristo den Dios (Colosensenan 3:1-3).

Mira pa ningun hende no coy e boso preso, door di filosofia, y engaño bano, segun tradicion di hende, segun e principionan elemental di mundo y no segun Cristo (Colosensenan 2:8).

Pasobra nos no a trece nada den e mundo, y nos no por hiba nada for di dje tampoco( 1 Timoteo 6:7).

Tur hende sa, cu e obranan di carni cual ta aparece den Galationan 5:19-21 ta locual ta stroba hende di hereda e reino di Dios, pasobra obranan di carni ta pica, y nada locual ta pica no por drenta cielo.

Como yiunan di Dios, nos no por biba conforme e mundo aki.

No tene miedo, pasobra tur hende cu kier hiba un bida santo den Cristo Hesus lo wordo persigui (2 Timoteo 3:12).

Ta tempo pa nos hala mas cerca Señor.

*Sinceramente, Pastor Marcel Balootje*



# Polisnan a atende cu buscamiento di cocolishi anochi



**D**iahuebs anochi banda di 9'or central a dirigi un patruya di polis pa 'Cascabel Airfield' bana di Rincon, caminda eyan a topa cu funcionarionan di guarda costa kendenan ta informa cu nan a topa c'un pick-up staciona n'e sitio y cu nan a ripara cu tin tres homber canando na altura di e beach na Rincon.

Tambe a muestra cu e tres tiponan sospechoso tabata canando cu flashlight ta buscando riba e beach y hunto cu personal di guarda costa, e polisnan a bay direccion di e tres personanan pa atende cu nan actuacion sospechoso.

Na e sitio polisnan a topa c'un auto Mitsubishi L200 color preto y na algun meter di e auto, a bin topa cu e tres personanan y mesora a bay papia cu e cabayeronan aki pa mira kico nan ta haciendo den e ora scur di anochi aki den un forma asina sospechoso.

Un homber di inicia M. a papia cu e polisnan y a muestra cu nan ta canando ta busca cocolishi pa un proyecto riba cual nan ta trahando pero sin y polisnan a bay over na controla den e auto pero no a descubri nada for di sla den e vehiculo.

Polisnan a splica e trio cu nan a crea un situacion sospechoso cu nan forma di procede canando cu foks riba beach cu pa colmo ta un sitio cu ilegalnan sa drenta y tambe tin droga ta ser haya riba beach eyan.

A ordena e trio pa bandona e sitio despues di a tuma dato personal di tur tres persona.




Laga tur loke ta spera mi ta bunita  
Laga tur locual cu mi encontra  
na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Autor: Cado Wever.

Nos ta anuncia fayecimento di:

## Mariela Granada Garcia

Cariñosamente yama "Tanchi of Tanchi Jela"  
VDA. di Wever  
\*27-09-1949 - † 01-02-2024

Acto di despedida lo wordo anuncia despues



"Señor ta mi wardador, mi'n tin falta di nada.  
Den cunucu di yerba berde e ta ponemi sosega.  
E ta hibami na awa frankil,  
pa mi bolbe haña forsa".  
Salmo: 23

Nos ta participa fayecimento di:

## Luz Dary Velasco Aguirre

Cariñosamente yama "Dary"  
\*17-05-1969 - †31-01-2024

Acto di despedida lo wordo anuncia despues



"Señor ta mi wardador, mi'n tin falta di nada.  
Den cunucu di yerba berde e ta ponemi sosega.  
E ta hibami na awa frankil,  
pa mi bolbe haña forsa".  
Salmo: 23

Cu dolor na nos curason, nos ta participa fayecimento di nos ser stima:

## Sra. Isidoria M. Rasmijn-Tromp

Cariñosamente yama "Chima"  
\*15-05-1954 - †29-01-2024

### Su Mayoran

**Tata:** † Serapio (Jajachi) Tromp  
**Mama:** † Tomasina (Onsi) Tromp - Boekhoudt

### Su Casa:

Alberto (Mencho) Rasmijn

### Su Yiunan:

Melina Ayring y Mario (Shati) Kelly - Kelly  
Melinda Marlin y Gilbert (Gibi) Kock - Kelly  
Wilbert Alvinio Kelly

### Su Nietonan:

Richmar Kelly Y Canryenne Tromp  
Igmar Kelly y Daniella Ariza Polo  
Gilery Kock  
Sigmar Kelly Y Darienne Santos Diaz  
Gillianne Kock  
Gilmery Kock

### Su bisanietanan:

Alayna Kelly  
Delainy Kelly

### Su rumannan:

†Cerilio (Buchi) Tromp y familia  
Candido (Candi) y Mena Tromp - Geerman y familia  
Leoncita (Lucy) Tromp y familia  
†Andres (Fenchi) Tromp y familia

### Yiunan di su casa:

Sharline Rasmijn y familia  
Jacqueline Camara Da Silva - Rasmijn y familia  
†Francis Rasmijn y yui  
Gilbert Rasmijn y familia

### Su Ihanan:

Josef Wernet  
Mirla Tromp  
Jarmin Croes - Tromp

### Swa y Cunanan:

Shaki Rasmijn y familia  
Emilia Rasmijn y familia  
Modesto Rasmijn y familia  
Sara Rasmijn y familia

Sobrino y sobrinanan, sobre sobrino y sobre sobrinanan, primo y primanan, comer y compernan, bisñanan y conociran, ex colega di Departamento di Enseñansa y miembronan di OPPA.

**Y demas familia:** Tromp, Boekhoudt, Rasmijn, Kelly, Kock, Croes, Geerman, Brete, Navas, Wernet, de Nobrega, Vrolijk, Wever, Dirksz, v/d Biezen, Lampe, Jansen, Hernandez, Giel, Gil, Erasmus, Bislip, Loefstok, Limunier, Henriquez, Krosendijk, Boekhout y Winterdaal.

Acto di entierro lo tuma lugar dia **5 Februari 2024** pa 4or di atardi saliendo for di Aurora funeral home pa Santana Catolico na Paradera.

E resto mortal di defunto lo ta reposa for di 1 or di atardi na Aurora funeral home.

Sin den nos dolor por a lubida un familiar nos ta pidi mil disculpa.

Despues di entierro nos no por ricibi bishita di condolencia na cas.



# AWEMainta

**Scan nos QR code y  
bira abonado di AWEMainta**  
Completamente GRATIS

- 1: Usando bo camera di telefon, scan nos QR code na banda.
2. Bay riba "Show Options", "Open in browser".
3. Yena e formulario.



**Haya AWEMainta  
tur dia den bo inbox!**



[www.awemainta.com](http://www.awemainta.com)



[www.facebook.com/AWEMainta](https://www.facebook.com/AWEMainta)



5880022



[info@awemainta.com](mailto:info@awemainta.com)  
[noticia@awemainta.com](mailto:noticia@awemainta.com)  
[aviso@awemainta.com](mailto:aviso@awemainta.com)